



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

MOPHATO 12

SETSWANA PUOTLALELETSO YA NTLHA (FAL)

PAMPIRI YA BORARO (P3)

NGWANAITSEELE 2022

KAEDI YA GO TSHWAYA

MADUO : 100

Kaedi e ya go tshwaya e na le ditsebe di le 16.

ELA TLHOKO:

- Dirisa ruboriki ka gale fa o tshwaya tlhamo ya boitlhamedi (Pampiri 3. KAROLO YA A).
- Maduo a go tloga go 0–50 a arogantswe ka maemo a le 5 a ditlhaloso.
- Mo ditlhokegong tsa Diteng, Puo le Setaele, maemo mangwe le mangwe a tlhaloso a arogantswe ka dikarolwana tsa maemo a a kwa godimo le a a kwa tlase ka seelo sa maduo se se tsamaelanang le ditlhaloso.
- Kagego ga e angwe ke karologantsho ya maemo a a kwa godimo le maemo a a kwa tlase.

RUBORIKI YA TLHATLHOBO TLHAMO YA PUOTLALELETSO YA NTLHA [50 MADUO]

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
DITENG LE IPAAKANYO (Tsibogelo le dikakanyo) Thulaganyo ya dikakanyo tsa ipaakanyo Temogo ya maitlhomo, baamogedi le bokao 30 MADUO	Maemo a a kwa godimo Maemo a a kwa tlase	28–30 -Tsibogelo ya maemo a a kwa godimo go gaisa a a tlwaelegileng -Dikakanyo tse di bothale, tse di gwetlhlang mogopolo le go supa kgolo -E rulagantswe le go lomagana ka maemo a dinaledi go tsenyeletsa matseno, mmele le bokhutlo	22–24 -Tsibogelo e e tlhamilweng ka matsetseleko -Dikakanyo tse di maleba tota gape di kgathisa le bosupi jwa kgolo -E rulagantswe bontle thata le go lomagana go tsenyeletsa matseno, mmele le bokhutlo	16–18 -Tsibogelo e e itumedisang -Dikakanyo di lomagane mo go tlhaloganyegang e bile go kgotsofatsa -E rulagane le go lomagana mo go tlhaloganyegang go tsenyeletsa matseno, mmele le bokhutlo	10–12 -Tsibogelo ya tomagano e e sa tlhomamang -Dikakanyo tse di sa tlhapang e bile di se na boitlhamedi -Bosupi jo bonnye jwa thulaganyo le tomagano	4–6 -Tsibogelo e e seng maleba gotlhelele -Dikakanyo tse di tlhakatlhakaneng le go tlhoka tsepamo -Di gasagane le go boelediwa -Ga e a rulagana e bile ga e a lomagana
		25–27 -Tsibogelo e e manontlholtlo, mme e tlhaela ditlhokego tse di tsibosang tsa tlhamo ya maemo a dinaledi -Dikakanyo tse di bothale e bile di supa kgolo -E rulagantswe ka matsetseleko le ka tomagano go tsenyeletsa matseno, mmele le bokhutlo	19–21 -Tsibogelo e e tlhamilweng ka matsetseleko -Dikakanyo tse di maleba gape di kgathisa -E rulagantswe bontle le go lomagana go tsenyeletsa matseno, mmele le bokhutlo	13–15 -Tsibogelo e e itumedisang, mme e latlhiegelwa ke go tlhaloganyesega -Dikakanyo di lomagane le go kgotsofatsa -Maemo a a rileng a thulaganyo le tomagano go tsenyeletsa matseno, mmele le bokhutlo	7–9 -Bogolo jwa tsibogelo ga bo maleba -Dikakanyo tse di sa lomaganeng e bile di tlhakatlhakane -Ga go na bosupi jwa thulaganyo le tomagano	0–3 -Ga go na maiteko a go tsibogela setlhogo -Dikakanyo tse di seng maleba e bile di sa siama gotlhelele -Ipaakanyo e e sa tsepamang e bile e tlhakatlhakane

RUBORIKI YA TLHATLHOBO TLHAMO YA PUOTLALELETSO YA NTLHA [50 MADUO] (tsweleditswe)

Ditlhokego	Phitlhelelo ka dinaledi	Phitlhelelo ka matsetsleko	Phitlhelelo ka tekano	Phitlhelelo e e tlhaelang	Ga a fitlhelela
PUO, SETAELE LE GO TSELEGANYA/ RUNA Segalo, rejisetara, setaele le tlotlofoko tse di maleba go maikaelelo/ ditlamorago le bokao Tlhopho ya mafoko Tiriso ya puo le melawana, tiriso ya matshwao a puiso, thutapuo le mopeleto 15 MADUO	14–15 -Segalo, rejisetara, setaele le tlotlofoko di maleba le maikaelelo, baamogedi le bokao ka maemo a kwa godimo -Puo e e tlhololo, e itumedisa ka maemo a a tlhaolegileng -Segalo se se nang le maikaelelo a a tlhotlheletsang -Ga go na diphoso tsa thutapuo le tsa mopeleto ka gotlhe -Puo e e manontlhotlho ya maemo a a kwa godimo	11–12 -Segalo, rejisetara, setaele le tlotlofoko di maleba thata le maikaelelo, baamogedi le bokao -Puo e nonofile le tiriso ya segalo e maleba -Bogolo jwa yona ga bo na diphoso tsa thutapuo le mopeleto -Puo e tlhamilwe ka matsetsleko	8–9 -Segalo, rejisetara, setaele le tlotlofoko di maleba le maikaelelo, baamogedi le bokao -Tiriso e e maleba ya puo go tlhagisa bokao -Segalo se maleba -Tiriso ya malepa a a tlhotlheletsang ya go tlhagisa diteng	5–6 -Segalo, rejisetara, setaele le tlotlofoko ga di maleba le maikaelelo, baamogedi le bokao -Tiriso ya puo ke ya maemo a motheo thata -Segalo, tlhopho le tiriso ya mafoko e e seng maleba -Tlotlofoko e lekanyeditswe thata	0–3 -Puo ga e tlhaloganyesenge -Segalo, rejisetara, setaele le tlotlofoko bomaleba jwa tsona bo kwa tlase le maikaelelo, baamogedi le bokao -Tlotlofoko e nnye thata, mme e dira gore go nne thata go tlhaloganya
	Maemo a a kwa godimo	13 -Puo e e matsetsleko ya tlhotlheletso e e nonofileng mo segaleng -Ga e na diphoso tsa thutapuo le tsa mopeleto ka gotlhe -E tlhamilwe ka manontlhotlho	10 -Puo e e ngokang e bile e nonofile ka kakaretso -Segalo se se siameng se nonofile -Diphoso tse di mmalwa tsa thutapuo le mopeleto -E tlhamilwe bontle	7 -Tiriso ya puo e e mo magareng, ka go tlhoka tsepamo -Segalo se siame ka kakaretso le tiriso e e lekanyeditsweng ya malepa a tlhotlheletso	4 -Tiriso e e bokoa ya puo -Mefuta ya dipolelo e mennye kgotsa ga e teng gotlhelele -Tlotlofoko e e lekanyeditsweng tota
KAGEGO Diponagalo tsa setlhanga Kago ya ditemana le go tlhangwa ga dipolelo 5 MADUO	5 -Kago e e manontlhotlho ya setlhogo -Dintlhana tse di tlhaolegileng -Dipolelo le ditemana di bopilwe bontle	4 -Kago e e latelanang ya dintlhana -Lomagane -Dipolelo le ditemana di a latelana, di a farologana	3 -Kago ya dintlhana tse di maleba -Dipolelo le ditemana tse di bopilweng sentle -Tlhamo e sa ntse e na le tlhaloganyo	2 -Go na le dintlhana dingwe tse di amogelesegang -Dipolelo le ditemana di fosagetse -Tlhamo e sa ntse e na le tlhaloganyo	0–1 -Dintlhana tse di botlhokwa di a tlhaela -Dipolelo le ditemana di fosagetse -Tlhamo e tlhoka tlhaloganyo

RUBORIKI YA TLHATLHOBO YA SETLHANGWA SA TIRISANO SE SELEELE SA PUOTLALELETSO YA NTLHA [30 MADUO]

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
DITENG, THULAGANYO LE SEBOPEGO	15–18	11–14	8–10	5–7	0–4
Tsibogelo le dikakanyo Kokoanyo ya dikakanyo gore go rulaganngwe Maithlomo, baamogedi, diponagalo/melawana le tiriso	-Tsibogelo ya maemo a a kwa godimo go gaisa se se lebeletsweng ka gale -Dikakanyo tse di bothhale, tse di gamogileng -Kitso e e tseneletseng ya diponagalo tsa mofuta wa sethangwa -Kwalo e e tsepameng -Diteng le dikakanyo di lomagane -Tlhaloso ya maemo a a kwa godimo e bile dintlha tsotlhе di tshegetsa setlhogo -Sebopego se se maleba gape se nepagetse	-Tsibogelo e ntle tota e e bontshang kitso e ntle ya diponagalo tsa mofuta wa sethangwa -E tsepame – ga e a fapoga setlhogo -Diteng le dikakanyo di lomagane, dintlha tse di thadisitsweng sentle gape di tshegetsa setlhogo -Sebopego se se lolameng ka diphoso tse dinnye	-Tsibogelo e e lekaneng e e bontshang kitso ya diponagalo tsa mofuta wa sethangwa - Go na le tsepamo e e rileng – go na le go eta e fapoga mo setlhogong -Diteng le dikakanyo di lomagane mo go utlwlang -Dintlha dingwe di tshegetsa setlhogo -Sebopego se se maleba ka kakaretso fela go na le go sa nepagale go go rileng	-Tsibogelo e e kwa tlase e e supang kitso ya diponagalo tsa mofuta wa sethangwa - Ga e a tsepama ka gotlhе, mme kwalo e fapogile setlhogo -Diteng le dikakanyo ga di lomagane ka gale. Ke dintlha tse di mmalwa tse di tshegetsang setlhogo -Tiriso e e phatlhaletseng ya melawana ya sebopego -Go tlodisiwa matlhо go go tseneletseng	-Tsibogelo e senola go tlhoka kitso ya diponagalo tsa mofuta wa sethangwa -Bokao jo bo kgoreletsegileng ka go fapoga setlhogo go go feteletseng -Ga go na tomagano ya diteng le dikakanyo -Ke dintlha di le mmalwa fela tse di tshegetsang setlhogo -Ga go a dirisiwa melawana ya sebopego
MADUO 18	10–12	8–9	6–7	4–5	0–3
Segalo, rejisetara, setaele, maithlomo, baamogedi le tiriso Tiriso ya puo le melawana Tlhopho ya mafoko Matshwao a puiso le mopeleto	-Segalo, rejisetara, setaele le tlhotlofoko tse di lolameng thatathata le maithlomo, baamogedi le tiriso -Thutapuo e nepagetse e bile e agegile sentle -E e se nang diphoso gotlhеlele	-Segalo, rejisetara, setaele le tlhotlofoko tse di lolameng thata le maithlomo, baamogedi le tiriso -Thutapuo e nepagetse ka kakaretso e bile e agegile sentle -Tlhotlofoko e e siameng tota -Bogolo ga go na diphoso	-Segalo, rejisetara, setaele le tlhotlofoko di maleba le maithlomo, baamogedi le tiriso -Go diphoso dingwe tsa thutapuo -Tlhotlofoko e e lekaneng -Diphoso ga di kgoreletse bokao	-Segalo, rejisetara, setaele le tlhotlofoko ga di tsamaisane le maithlomo, baamogedi le tiriso -E phephetha ka diphoso gape e tlhakatlhakane -Tlhotlofoko ga e maleba go maithlomo -Bokao bo kgoreletsegile tota	-Segalo, rejisetara, setaele le tlhotlofoko ga di tsamaisane le maithlomo, baamogedi le tiriso -E phephetha ka diphoso gape e tlhakatlhakane -Tlhotlofoko ga e maleba go maithlomo -Bokao bo kgoreletsegile tota
MADUO 12	25–30	19–23	14–17	9–12	0–7
SEELO SA MADUO					

RUBORIKI YA TLHATLHOBO YA SETLHANGWA SA TIRISANO SE SEKHUTSHWANE SA PUOTLALELETSO YA NTLHA [20 MADUO]

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
DITENG, THULAGANYO LE SEBOPEGO Tsibogelo le dikakanyo Kokoanyo ya dikakanyo gore go rulaganngwe Maitlhomo, baamogedi, diponagalo/melawana le tiriso MADUO 12	10–12 -Tsibogelo ya maemo a a kwa godimo go gaisa se se lebeletsweng ka gale -Dikakanyo tse di botlhale, tse di gamogileng -Kitso e e tseneletseng ya diponagalo tsa mofuta wa sethangwa -Kwalo e e tsepameng -Diteng le dikakanyo di lomagane -Tlhaloso ya maemo a a kwa godimo e bile dintlha tsotlhе di tshegetsa setlhogo -Sebopego se se maleba gape se nepagetse	8–9 -Tsibogelo e ntle tota e e bontshang kitso e ntle ya diponagalo tsa mofuta wa sethangwa -E tsepame – ga e a fapoga setlhogo -Diteng le dikakanyo di lomagane, dintlha tse di thadisitsweng sentle gape di tshegetsa setlhogo -Sebopego se se lolameng ka diphoso tse dinnye	6–7 -Tsibogelo e e lekaneng e e bontshang kitso ya diponagalo tsa mofuta wa sethangwa — Go na le tsepamo e e rileng - go na le go eta e fapoga mo setlhogong -Diteng le dikakanyo di lomagane mo go utlwlang -Dintlha dingwe di tshegetsa setlhogo -Sebopego se se maleba ka kakaretso fela go na le go sa nepagale go go rileng	4–5 -Tsibogelo e e kwa tlase e e supang kitso ya diponagalo tsa mofuta wa sethangwa - Ga e a tsepama ka gotlhе, mme kwalo e fapogile setlhogo -Diteng le dikakanyo ga di lomagane ka gale. -Ke dintlha tse di mmalwa tse di tshegetsang setlhogo -Tiriso e e phatlhaletseng ya melawana ya sebopego -Go tlodisiwa matlho go go tseneletseng	0–3 -Tsibogelo e senola go tlhoka kitso ya diponagalo tsa mofuta wa sethangwa -Bokao jo bo kgoreletsegileng ka go fapoga setlhogo go go feteletseng -Ga go na tomagano ya diteng le dikakanyo -Ke dintlha di le mmalwa fela tse di tshegetsang setlhogo -Ga go a dirisiwa melawana ya sebopego
PUO, SETAELE LE GO TSELEGANYA/ RUNA Segalo, rejisetara, setaele, maitlhomo, baamogedi le tiriso Tiriso ya puo le melawana Tlhopho ya mafoko Matshwao a puiso le mopeleto MADUO 08	7–8 -Segalo, rejisetara, setaele le tlötlofoko tse di maleba thatathata le maithomo, baamogedi le tiriso -Thutapuo e nepagetse e bile e agegile sentle -E e se nang diphoso gotlhеlele	5–6 -Segalo, rejisetara, setaele le tlötlofoko tse di maleba thata le maithomo, baamogedi le tiriso -Thutapuo e nepagetse ka kakaretso e bile e agegile sentle -Tlotlofoko e e siameng tota -Bogolo ga go na diphoso	4 -Segalo, rejisetara, setaele le tlötlofoko di maleba le maithomo, baamogedi le tiriso -Go diphoso dingwe tsa thutapuo -Tlotlofoko e e lekaneng -Diphoso ga di kgoreletse bokao	3 -Segalo, rejisetara, setaele le tlötlofoko ga di tsamaisane le maithomo, baamogedi le tiriso -E phephetha ka diphoso gape e tlhakatlhakane -Tlotlofoko ga e maleba go maithomo -Bokao bo kgoreletsegile tota	0–2
SEELO SA MADUO	17–20	13–15	10–11	7–8	0–5

GO KWALA LE GO TLHAGISA

KAROLO YA A: TLHAMO: MADUO – 50

DINOMORO TSA DIPOTSO	DITLHOGO	MEFUTA YA DITLHAMO
1.1	Malatsi a me mo sekolong se segolo.	Kanelo
1.2	Thuto ke senotlolo sa isago e ntle.	Tlhaloso
1.3	Go nna morutabana go gaisa go nna mooki. Dumela kgotsa ganela.	Ngangisano
1.4	Botlhokwa jwa dikgwebopotlana mo metseng ya rona.	Kanelo
1.5	Fa nka nna morutwana mogolo ...	Maitlhomo
1.6	Monate le bosula jwa go nna motsadi.	E e sa tseyeng letlhakore
1.7–1.8	Lebelela ditshwantsho tse di latelang, mme o tlhophe se le sengwe go kwala tlhamo.	Kanelo/Tlhaloso/E e sa tseyeng letlhakore/Ngangisano/Maitlhomo

KAROLO YA B: DITLHANGWA TSE DILEELE TSA TIRISANO GAMMOGO LE DITLHANGWA TSE DI DIRISANG MEKGWA E E FAROLOGANENG YA TLHAELETSANO: MADUO – 30

DINOMORO TSA DIPOTSO	MOFUTA WA SETLHANGWA
2.1	Lenaneotema le metsotso
2.2	Lekwalo la semmuso
2.3	Tsa botshelo jwa moswi
2.4	Puo

KAROLO YA C: DITLHANGWA TSE DIKHUTSHWANE TSA TIRISANO: MADUO – 20

DINOMORO TSA DIPOTSO	MOFUTA WA SETLHANGWA
3.1	Phasalatso
3.2	Molaetsakhutswe (SMS)
3.3	Ditaelo

PALOGOTLHE YA TLHATLHOBO: 100

KAROLO YA A: TLHAMO**MEFUTA YA DITLHAMO****GO TSHWAYA TLHAMO**

- Tlhamo e se abelwe maduo go se na bopaki jwa gore e buisitswe.
- Maduo a bofelo a tlhamo a tshwanetse gore a bo a netefaditswe.
- Tlhamo ke boitlhamedi ga se tshobokanyo mo mafoko a lekanyediwang.
- Motlhatlhajoja a se sokelwe dirope fa a sa kwala bolele jo bo lebeletsweng, motshwai a ele tlhoko kelelo le malepa jwa boitlhamedi.

Molao ke gore:

- Go se nne le dikotlhao tse dingwe, gonne ruburiki ka bo yona e na le dikotlhao tsa yona.

1.1 TLHAMO YA KANELO

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Setlhogo	Dintlhha tse di sololetseng
Malatsi a me mo sekolong se segolo.	<ul style="list-style-type: none"> ✓ Motlhatlhajoja a ka bua ka ngwaga o a simolotseng go tsena mo sekolong se segolo. ✓ Motlhatlhajoja a ka bua ka botsalano ba gagwe le barutwana ba bangwe. ✓ Motlhatlhajoja a ka bua ka seemo sa thuto. ✓ Motlhatlhajoja a ka bua ka barutabana ba a neng a ba rata le mabaka a a tlhodileng lerato loo. ✓ Motlhatlhajoja a ka bua ka mefuta ya metshameko le gore o ne a tsaya karolo mo motshamekong ofe? ✓ Motlhatlhajoja a khutlise ka maikutlo a gagwe.

Kaedi ya go tshwaya: Tlhamo ya kanelo

- Ditiragalo di tshwanetse go latelana sentle.
- Tlhamo e, e kwalwe ka paka e e fetileng.
- Matseno e nne a a ngokang.
- Kanelo go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bokhutlong.
- Setaele, puo le ditiragalo di tshwanetse go itumedisabu.
- Go tshwanetswe go elwe tlhoko gore mofuta o wa tlhamo o a anela.
- Bokhutlo e nne jo bo kgodisang.

[50]

1.2 TLHAMO YA TLHALOSO

Mokwadi mo tlhamong e, o tlhalosa sengwe ka mokgwa o mmuisi a tla itemogelang se se tlhalosiwang jaaka go batlega.

Setlhogo	Dintlha tse di soloftsweng
Thuto ke senotlolo sa isago e ntle.	<ul style="list-style-type: none"> ✓ Motlhatlhojwa a tlhalose ka mosola wa thuto. ✓ Motlhatlhojwa a tlhagise bontle bo bo ka tlisiwang ke thuto mo isagong. ✓ Motlhatlhojwa a nne le thotloetso mo bašweng. ✓ Motlhatlhojwa a khutlise ka maikutlo a gagwe.

Kaedi ya go tshwaya: Tlhamo ya tlhaloso

- Motlhatlhojwa o tshwanetse go bopa setshwantsho ka mafoko a a a filweng.
- Motlhatlhojwa a tlhophe mafoko a a senolang maikutlo ka kelotlhoko go gorosa molaetsa sentle.
- Puo ya botshwantshi e dirisiwe ka boitshimololedi.
- Motlhatlhojwa a bontshe fa a na le maitemogelo ka setlhogo se.

[50]

1.3 TLHAMO YA NGANGISANO

Mo tlhamong e, motlhatlhojwa o tlhagisa kakanyo, ntlhakemo, mme a nganga ka maitlhomo a go dibela ntlhakemo ya gagwe. Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tlhagisa lethakore le le lengwe, mme mothatlhojwa a leke go pateletsa mmuisi go leba ditiragalo ka leitlho la gagwe.

Setlhogo	Dintlha tse di soloftsweng
Go nna morutabana go gaisa go nna mooki. Dumela kgotsa ganela.	<ul style="list-style-type: none"> ✓ Motlhatlhojwa a tlhagise gore a o dumalana le setlhogo kgotsa nnyaya. ✓ A tlhagise dintlha tse di tlhotlheleditseng ntlhakemo ya gagwe. ✓ Motlhatlhojwa a ka bua ka mosola wa morutabana kgotsa mooki. ✓ Motlhatlhojwa a rotloetse bašwa go nna morutabana kgotsa mooki.

Kaedi ya go tshwaya: Tlhamo ya ngangisano

- Motlhatlhojwa a simolole ka go tlhagisa ntlhakemo ya gagwe go bontsha boitshimololedi.
- A neye mefutafuta ya dingangisano go tshegetsa ntlhakemo ya gagwe, mme a tlhalose se.
- Tlhamo e, e tlhagisa lethakore le le lengwe, mme dikakanyo di tlhagisiwa ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tiriso ya puo.
- Puo e dirisiwe ka maikutlo, mme motlhatlhojwa a se ka a tlhoka maitseo.
- Bokhutlo bo tshwanetse go tlhagisa kakanyo e e tlhomameng, e e tlhaloganyegang, mme e pateletsse mmuisi go dumalana le se se tlhagisitsweng. Tlhamo ya mofuta o, e kwalwe ka pakajaanong.

[50]

1.4 **TLHAMO YA KANELO**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Setlhogo	Dintilha tse di solo fetsweng
Bothhokwa jwa dikgwebopotlana mo metseng ya rona.	<ul style="list-style-type: none"> ✓ Motlhatlhojwa a ka bua ka mefuta ya dikgwebopotlana. ✓ Motlhatlhojwa a ka bua ka go bona madi a go simolola dikgwebopotlana. ✓ Motlhatlhojwa a ka bua ka bothhokwa jwa dikgwebopotlana mo motseng. ✓ Motlhatlhojwa a ka bua ka ditlhokego tsa go simolola kgwebopotlana. ✓ Motlhatlhojwa o tla bua ka go rotloetsa baagi go nna le dikgwebopotlana.

Kaedi ya go tshwaya: Tlhamo ya kanelo

- Ditiragalo di tshwanetse go latelana sentle.
- Tlhamo e, e kwalwe ka paka e e fetileng.
- Matseno e nne a a ngokang.
- Kanelo go le gantsi e tlhagisa ntlha e e rileng.
- Kanelo e tshwanetse go ngoka mmusi go tloga kwa tshimologong go fitlha kwa bokhutlong.
- Setaele, puo le ditiragalo di tshwanetse go itumedisa babuisi.
- Go tshwanetswe go elwe tlhoko gore mofuta o wa tlhamo o a anela.
- Bokhutlo e nne jo bo kgodisang.

[50]

1.5 **TLHAMO YA MAITLHOMO**

Mo mofuteng o wa tlhamo, motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhomo a gagwe.

Setlhogo	Dintlha tse di soloftsweng
Fa nka nna morutwanamogolo ...	<ul style="list-style-type: none"> ✓ Motlhatlhojwa a ka tlhalosa ka maikarabelo a morutwanamogolo. ✓ A tlhagise gore ke eng se a ka se dirang fa a ka nna morutwanamogolo. ✓ Mabaka a a dirang gore a eletse go nna morutwanamogolo a tlhagelele sentle. ✓ A ka tlhagisa dikgwetlho tse di leng teng mo sekolong. ✓ A ka tlhagisa gore diphetogo tse a ttileng go tla ka tsona, di ka tokafatsa maemo a thuto le go thusa barutwana jang.

Kaedi ya go tshwaya: Tlhamo ya maitlhomo

- Tlhamo ya maitlhomo e tseye lethakore.
- Maikutlo a tsaya karolo e e botlhokwa.
- Karolo e kgolo mo tlhamong ke go tlhalosa. Ditihaloso di tshwanetse go bonala, maikaelelo e le go tlhagisa gape maikutlo a motlhatlhojwa a nako e e fetileng.
- Dikakanyo/megopolo/maikutlo di tshwanetse go senola boammaaruri le maitemogelo.

[50]

1.6 **TLHAMO E E SA TSEYENG LETLHAKORE**

Tlhamo ya mofuta o, e tlhagisa dikakanyo kgotsa tshedimosetso ka tlhomamo. Mo mofuteng o wa tlhamo, motlhatlhojwa o tshwanetse go tlhalosa dikakanyo kgotsa dintlha ka tatelano, mathakore a lekalekane.

Setlhogo	Dintlha tse di soloftsweng
Monate le bosula jwa go nna motsadi.	<ul style="list-style-type: none"> ✓ Motlhatlhojwa a re tlhalosetse ka monate wa go nna motsadi. ✓ A tlhagise maikutlo a gagwe ka monate le bosula jwa go nna motsadi. ✓ A tlhagise mathata a motsadi a kopanang nao. ✓ A tlhagise maitemogelo a gagwe ka botsadi. ✓ Motlhatlhojwa a ka khutlisa ka go rotloetsa le go fa batsadi ba bangwe dikgakololo ka kgodiso ya bana.

Kaedi ya go tshwaya: Tlhamo e e sa tseyeng letlhakore

- Setlhogo se tshwanetse go tlhaloganngwa sentle.
- Go botlhokwa gore se motlhatlhojwa a se buang kgotsa a se tlhagisang se tshegediwe ka dintlha tse di lekalekanang.
- Motlhatlhojwa o tlhalosa bokao jo bo sa tlwaelegang gore mmuisi a tlhaloganye setlhogo le fa e le gore ga a na kitso e e tseneletseng.
- Dikakanyo di rulagane, di lolame, mme di neye tlhaloso go simolola ka tse di itsegeng go ya ka tse di sa itsegeng.
- Tlhamo ya mofuta o, e kwalwe ka pakajaanong.

[50]

1.7– Tlhamo ya kanelo/maitlhomo/e e sa tseyeng letlhakore/ ngangisano/tlhaloso.
1.8

[50]

PALOGOTLHE YA KAROLO YA A: 50

KAROLO YA B: DITLHANGWA TSE DILEELE TSA DIRISANO GAMMOGO LE DITLHANGWA TSE DI DIRISANG MEKGWA E E FAROLOGANENG YA TLHAELETSANO

2.1 LENANETEMA LE METSOTSO

Lenanetema ke kitsiso le kgobokanyo ka dintlhakgolo tse go tlileng go buiwa ka tsona mo kopanong e e rileng. Le thusa batlapitsong go itse se ba se bilediwang le gore batle pitsong ba ipaakantse ba rulagantse ditshwaelo tsa bona sentle.

Lenanetema le metsotsos	Dintlhakgolo tse di solo fetsweng
Motlhatlhojwa a kwale lenanetema le metsotsos ya kopano ya dikgaisano tsa mmino wa setso tse a neng a di tsenetsese mo porofenseng ya bona.	<ul style="list-style-type: none"> ✓ Motlhatlhojwa a tlhagise leina la setheo, letlha, lefelo le nako. ✓ Motlhatlhojwa a tlhagise maina a batlapitsong. ✓ Motlhatlhojwa a tlhagise kgangkgolo ya kopano. ✓ Motlhatlhojwa a tlhagise ditshwetso tse di tsamaisanang le setlhogo fela. ✓ Motlhatlhojwa a tlhagise tshaeno ya modulasetilo le mokwaledi.

Kaedi ya go tshwaya: Lenanetema le metsotsos

- Metsotsos e tsamaelane le setlhogo.
- Go kwalwe ditlhogo ka tatelano mmogo le dipalo tsa tsone.
- Metsotsos e tlhagise letlha la kopano e e latelang.

[30]

2.2 LEKWALO LA SEMMUSO

Lekwalo la mofuta o, ke lekwalo le le kwalelwang setheo sengwe se se rileng. Mokwadi a ka kopa sengwe e ka nna phatlhatiro kana thuso ya mokgwa mongwe, e ka nna go akgola, go tlhagisa ngongorego kgotsa go tshitshinya sengwe mo setheong seo.

Lekwalo la semmuso	Dintlhakgolo tse di solo fetsweng
Motlhatlhojwa a kwalele lebenkele la Truworts a ngongorege ka badiri ba ba ganang go tsaya diaparo tse a di busang morago ga letsatsi la theko.	<ul style="list-style-type: none"> ✓ Motlhatlhojwa a tlhalose mabaka a a mo pateleditseng go kwala lekwalo le. ✓ Motlhatlhojwa a tlhagise letlha le a rekileng diaparo ka lona. ✓ A tlhagise maikutlo a kutlobotlhoko ka go se tshwarwe sentle ke badiri. ✓ Motlhatlhojwa a tlhagise ditiragalo tse di bontshang go se tsholwe sentle. ✓ A khutlise ka go kopa batsamaisibago go tsaya dikgato tse di maleba.

Kaedi ya go tshwaya: Lekwalo la semmuso

- Motlhathhojwa a kwale diaterese di le pedi le lethha ka botlalo.
- Ditumediso di supe gore ke lekwalo la semmuso.
- Setlhogo se tlhagele go thusa go tlhaloganya diteng tsa lekwalo.
- Dinomoro tsa mogala tsa mokwadi di tlhagelele.
- Diteng di bontshe ngongorego.
- Bokhutlo e nne jo bo kgodisang.
- Motlhathhojwa kwa bofelong a ka tlhagisa mafoko a a latelang:
Weno.
- Motlhathhojwa a tlhagise leina la gagwe le sefane, mme a saene.

[30]

2.3 TSA BOTSHELO JWA MOSWI

Ke tshedimosetso e e tlhagisitsweng ka botlalo fela e le khutshwane, ka ga botshelo jwa yo o tlhokafetseng.

Tsa botshelo jwa moswi	Dintlha tse di sololetseng
Motlhatlhobjwa a thuse ba losika la tsala ya gagwe ka go kwala tsa botshelo jwa moswi tsala ya gagwe yo o tlhokafetseng morago ga go tlhaselwa ke bolwetse jwa lehuba pele a kwala ditlhathlhobo tsa bofelo jwa ngwaga.	<ul style="list-style-type: none"> ✓ Motlhatlhobjwa a latele sebopego sa go tlhagisa setlhengwa se ka tlhomamo. ✓ Motlhatlhobjwa a tlhagise gore loso lwa tsala ya gagwe le bakilwe ke eng. ✓ A dirise puo e e bonolo e bile e tlhaloganyega. ✓ Motlhatlhobjwa a ka kwala leboko la kwa gaabo tsala ya gagwe kwa bofelong.

Kaedi ya go tshwaya: Tsa botshelo jwa moswi

- Motlhathhojwa a tlhagise tshedimosetso ka dintlha tse di latelang:
Leina la moswi, letlha la matsalo, batsadi, boagi, dithutego, tiro, seabe mo setšhabeng, kemo ya nyalo jj.
- Motlhathhojwa a neelane ka tshedimosetso ka botlalo, fela e nne e e maleba.

[30]

2.4 PUO

Puo ke karolo ya botlhokwa ya go fatlhosana. Go le gantsi motho o neelana ka puo kgotsa o ema batho ka lefoko mo dikopanong kgotsa mo meletlong. Go kwala puo ya go bua le setšhaba go farologana le go bua le setlhotschwana sa batho.

Puo	Dintlha tse di solo fetsweng
Motlhatlhojwa a kwale puo e mo go yona a tlottomatsang le go laela tsala ya gagwe ka a falotse bontle e bile a ile go tsweletsa dithuto kwa Moseja.	<ul style="list-style-type: none"> ✓ Motlhatlhojwa a latele sebopego sa go tlhagisa setlhanga se ka tlhomamo. ✓ Motlhatlhojwa a tlhagise mofuta wa kopano e a ileng go bua kwa go yona. ✓ A tlhagise gore bareetsi e tla bo e le bomang. ✓ A tlhagise mafoko a tlottomatso le thotloetso go tsala ya gagwe. ✓ A kwale ka ditiragalo tse di mo kgathileng ka tsala ya gagwe.

Kaedi ya go tshwaya: Puo

- Motlhatlhojwa a tlhagise matseno, mmele le bokhutlo.
- Motlhatlhojwa a neele puo setlhogo.
- Motlhatlhojwa a neele ditumediso go bareetsi, mme dintlha di seke tsa phatlhalala.
- Motlhatlhojwa a tlhagise tshedimosetso ka dintlha tse di latelang:
 - Thulaganyo ya dintlha gore puo e elele.
 - bokhutlo e nne jo bo maleba.
- A lebogele bareetsi ka theetso ya bona le go leboga ba ba mo laleditseng. [30]

PALOGOTLHE YA KAROLO YA B: 30

KAROLO YA C: DITLHANGWA TSE DIKHUTSHWANE TSA TIRISANO**3.1 PHASALATSO**

Phasalatso ke kitsiso e e rileng e e lemosang babuisi ka ga sengwe se se ka nnang botlhokwa mo matshelong a bona.
Mophasalatsi a ka dirisa dikuranta, dimakasine, seyalemowa le thelebišene go lemosa babuisi ka ga kgwebo.

Phasalatso	Dintlhha tse di solo fetsweng
Motlhatlhojwa a thale phasalatso e e buang ka mašwi.	<ul style="list-style-type: none"> ✓ Motlhatlhojwa a kwale lefelo le mašwi a rekiwang kwa go lona. Aterese le dinomoro tsa mogala di tlhagisiwe. ✓ Motlhatlhojwa a tlhagise le go dirisa ditogamaano tsa phasalatso a lebisitse mo mefuteng e e farologaneng ya batho. ✓ Motlhatlhojwa a tlhagise kgatlhego le go dira gore phasalatso ya gagwe e ngoke. ✓ Phasalatso e nne maleba le thekiso ya mašwi.

Kaedi ya go tshwaya: Phasalatso

- Letshwao la kgwebo le tlhagisiwe sentle.
- Bareki kgotsa badirisi ba ba totilweng.
- Nako ya ditirelo e tlhagisiwe sentle.
- Puo e ngoke babuisi.
- Tshedimosetso ya megalala le leina la yo go ka ikgolaganngwang le ena di tlhagisiwe.

[20]

3.2 MOLAETSAKHUTSWE (SMS)

Ke mo mokwadi a kwalang ka maikutlo, dikakanyo le maitemogelo a gagwe.

Molaetsakhutswe (sms)	Dintlhha tse di solo fetsweng
Motlhatlhojwa a kwale molaetsakhutswe (sms) a gopotse tsala ya gagwe ka taletso ya go ya kwa Palamenteng ya bašwa kwa Mafikeng.	<ul style="list-style-type: none"> ✓ Motlhatlhojwa a kwale nomoro ya mogala le aterese ya motho yo a mo kwalelang. ✓ A kwale setlhogo ka ga se molaetsa o leng ka ga sona. ✓ Motlhatlhojwa a kwale molaetsa ka botlalo, mme o nne mokhutshwane. ✓ A khutlisé ka go kwala leina la gagwe.

Kaedi ya go tshwaya: Molaetsakhutswe (SMS)

- Molaetsa e nne wa botsalano e bile o nne mokhutshwane.
- Dintlha tsa botlhokwa le tse di maleba.
- Letlha le lefelo di tlhagisiwe.
- Puo e e dirisiwang e nne bonolo, e bile e ikaege ka botsalano jwa mokwadi le moamogedi.

[20]

3.3 DITAELO

Ditaelo ke tshedimosetso ya botlhokwa e e tlhagisiwang pele go diragadiwa kana go dirwa tiro nngwe e e rileng.

Ditaelo di tlhagisa tshedimosetso mabapi le se se diriwang gore se dirwe leng, kae, jang.

Ditaelo	Dintlha tse di soloftsweng
Motlhatlhojwa a kwale ditaelo tse a tshwanetseng go di latela pele a ka simolola go lema.	<ul style="list-style-type: none"> ✓ Motlhatlhojwa a kwale ditaelo tse a tlileng go di sala morago fa a itshimololela tshingwana ya merogo. ✓ Motlhatlhojwa a ka bua ka ditlhokego le mefuta ya didiriswa. ✓ Motlhatlhojwa a ka bua ka botlhokwa jwa go nna le tshingwana ya merogo. ✓ Motlhatlhojwa a ka bua ka kuno. ✓ Motlhatlhojwa a ka bua ka ditlha tsa temo. ✓ Motlhatlhojwa a ka khutlisa ka go rotloetsa barutwana go itshomololela ditshingwana tsa bona, le ka moo ba ka bonang thuso go tswa kwa Lefapheng la Temothuo.

Kaedi ya go tshwaya: Ditaelo

- Motlhatlhojwa a neele dintlha tsa tshedimosetso tse di tlhokegang.
- A tlhagise ka botlalo se se tshwanetseng go dirwa.
- Motlhatlhojwa a tlhagise mokgwa o a tlileng go o dirisa mo go itshimololeleng tshingwana ya merogo.
- Dipolelo tsa motlhatlhojwa e nne tse dikhutshwane e bile di nne bonolo.
- Ditaelo di tlhagisiwe ka dintlha e seng ka temana.
- Ditaelo di se ke tsa nna dintsit thata.

[20]

PALOGOTLHE YA KAROLO YA C: 20
PALOGOTLHE YA TLHATLHOBO: 100